



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ordo supplendi omissa super baptizatum.

urn:nbn:de:hbz:466:1-41233

Ordo supplendi omiffa super baptizatum.

Cum, urgente mortis periculo, vel alia cogente necessitate, siue parvulus siue adultus, sacris precibus ac caerimoniis praetermissis, fuerit baptizatus, ubi convaluerit, vel cessaverit periculum, & ad Ecclesiam delatus fuerit, omiffa omnia suppleantur: idemque ordo ac ritus servetur, qui in Baptismo parvulorum (si fuerit parvulus,) seu adultorum (si fuerit adultus) praescriptus est. Excepto, quod interrogatio, an velit baptizari, formaque Baptismi, & ablutio, praetermittuntur: & quaedam Orationes & Exorcismi, suo quique loco immutati, ut infra, dicuntur.

A pag. 6
usque ad
14.

His igitur suppositis & omnibus, quae supra annotata sunt, rite paratis, Sacerdos, accepto Baptizati nomine, in hunc modum interrogando procedit:

N. Quid petis ab Ecclesia Dei? Was begerst du van der Kircken Gottes? *Patrinus respondet:* Fidem. Den Glauben. *Sacerdos:* Fides quid tibi praestat? Was gibt dir der Glaube? *Patrinus respondet:* Vitam aeternam. Das ewige Leben.

Sacerdos: Si igitur vis ad vitam ingredi, serva mandata. Diliges Dominum Deum tuum ex toto corde tuo, & ex tota anima tua, & ex tota mente tua, & proximum tuum sicut teipsum.

Deinde ter exsufflet leniter in faciem infantis, & dicat semel: Exi ab eo, (ab ea,) immunde spiritus, & da locum Spiritui sancto Paraclito. Postea pollice faciat signum Crucis in fronte & in pectore infantis, dicens: Accipe signum Crucis

tam

tam in fronte ✠, quam in corde ✠; sume fidem cælestium præceptorum, & talis esto moribus, ut templum Dei jam esse possis.

Oremus.

P Reces nostras, quæsumus Domine, clementer exaudi: & hunc Electum tuum *N.* (hanc Electam tuam *N.*) Crucis Dominicæ impressione signatum (signatam,) perpetua virtute custodi, ut, magnitudinis gloriæ tuæ rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. *Resp.* Amen.

Deinde, imponens manum super caput Baptizati, dicit:

Oremus.

O Mnipotens sempiterne Deus, Pater Domini nostri Iesu Christi; respicere dignare super hunc famulum tuum *N.* (hanc famulam tuam *N.*) quem (quam) dudum ad rudimenta fidei vocare dignatus es, omnem cæcitatem cordis ab eo (ea) expelle; disrumpe omnes laqueos Satanæ, quibus fuerat colligatus: (colligata:) aperi ei, Domine, januam pietatis tuæ, ut signo sapientiæ tuæ imbutus, (imbuta,) omnium cupiditatum fætoribus careat, & ad suavem odorem præceptorum tuorum, læ-

H

tus

tus (læta) tibi in Ecclesia tua deserviat, & proficiat de die in diem, ut idoneus (idonea) fit frui gratia baptismi tui, quem suscepit, salis percepta medicina. Per Christum Dominum nostrum. *Resp.* Amen.

Deinde, posteaquam modicum salis immisit in os baptizati, dicens: Accipe sale[m] sapientiæ; propitiatio fit tibi in vitam æternam. Resp. Amen.

dicit: ut sit in gloria. Oremus.

DEus patrum nostrorum, Deus universæ conditor veritatis, te supplices exoramus, ut hunc famulum tuum *N.* (hanc famulam tuam *N.*) respicere digneris propitius, & hoc primum pabulum salis gustantem, non diutiùs esurire permittas, quò minùs cibo expleatur cælesti, quatenus sit semper spiritu fervens, spe gaudens, tuo semper nomini ferviens; & quem (quam) ad novæ regenerationis lavacrum perduxisti, quæsumus Domine, ut cum fidelibus tuis promissionum tuarum æterna præmia consequi mereatur. Per Christum Dominum nostrum. *Resp.* Amen.

E X O R C I S M U S.

EXorcizo te, immunde spiritus, in nomine Patris ✠, & Filii ✠, & Spiritus sancti ✠, ut exeas & recedas ab hoc famulo Dei *N.* (hac famula Dei *N.*) Ipse enim tibi imperat, male-

dicte,

dicte, damnate, qui pedibus super mare ambulavit, & Petro mergenti dexteram porrexit.

Ergo, maledicte diabole, recognosce sententiam tuam, & da honorem Deo vivo & vero, da honorem Iesu Christo, Filio ejus, & Spiritui sancto; & recede ab hoc famulo Dei N. (ab hac famula Dei N.) quia istum (istam) sibi Deus & Dominus noster Iesus Christus, ad suam sanctam gratiam & benedictionem, fontemque Baptismatis, vocare dignatus est.

Hic pollice in fronte signat infantem, dicens:

Et hoc signum sanctæ Crucis ✝, quod nos fronti ejus damus, tu, maledicte diabole, nunquam audeas violare. Per eundem Christum Dominum nostrum. *Resp.* Amen.

Mox imponit manum super caput infantis, ac dicit:

Oremus.

A Ternam ac justissimam pietatem tuam deprecor, Domine sancte, Pater omnipotens, æterne Deus, autor luminis & veritatis, super hunc famulum tuum N. (super hanc famulam tuam N.) ut digneris eum (eam) illuminare lumine intelligentiæ tuæ: munda eum (eam) & sanctifica: da ei scientiam veram, ut dignus (digna) sit frui gratia Baptismi tui, quem suscepit; teneat firmam spem, consilium rectum, doctrinam sanctam,

H 2

ut

ut aptus (apta) sit ad retinendam gratiam Baptismi tui. Per Christum Dominum nostrum.

Resp. Amen.

Postea Sacerdos imponit extrema mpartem stole super infantem, & introducit eum in Ecclesiam, dicens:

N. Ingredere in templum Dei, ut habeas partem cum Christo, in vitam æternam.

Resp. Amen.

Cum fuerint Ecclesiam ingressi, Sacerdos, procedens ad locum ubi parata sunt sacra Olea, cum susceptori- bus conjunctim clarâ voce dicit:

Credo in Deum, &c. Pater noster, &c. uti supra.

Pag. 19
& 20.

Quibus finitis, dicat sequentem Exorcismum:

EXorcizo te, omnis spiritus immunde, in nomine Dei Patris omnipotentis ✠, & in nomine Iesu Christi Filii ejus, Domini & Iudicis nostri ✠, & in virtute Spiritus sancti ✠, ut discedas ab hoc plasmate Dei **N.** quod Dominus noster ad templum sanctum suum vocare dignatus est, ut fiat templum Dei vivi, & Spiritus sanctus habitet in eo. Per eundem Christum Dominum nostrum, qui venturus est judicare vivos & mortuos, & sæculum per ignem. *Resp.* Amen.

Postea Sacerdos digito accipiat de saliva oris sui, &

tangat

tangat aures & nares infantis : tangendo verò aurem dexteram & sinistram, dicat :

Ephpheta, quod est, Adaperire. deinde tangat nares, dicens : In odorem suavitatis. Tu autem effugare, diabole ; appropinquabit enim iudicium Dei.

Postea interrogat *Baptizatum nominatim*, dicens : N. Abrenuntias Satanæ ? N. Widersagst du dem Teuffel ? Resp. *Patrinus* : Abrenuntio. Ich widersag.

Et omnibus operibus ejus ? Und allen seinen Wercken ? Resp. Abrenuntio. Ich widersag.

Et omnibus pompis ejus ? Und aller seiner Hoffart ? Resp. Abrenuntio. Ich widersag.

Hic intingens Sacerdos pollicem in Oleum Catechumenorum, faciet Crucem in pectore infantis, dicens : Ego te linio ✠ Oleo salutis,

& statim faciet etiam Crucem inter scapulas, dicendo : in Christo ✠ Iesu Domino nostro, ut habeas vitam æternam. Resp. Amen.

Subinde pollicem & inuncta loca abstergit bombacio, vel re simili; eumque in sacro Chrismate intingens, ungit infantem in summitate capitis, in modum Crucis, dicens :

DEus omnipotens, Pater Domini nostri Iesu Christi, qui te regeneravit ex aquâ & Spiritu sancto, quique dedit tibi remissionem omnium peccatorum, (*hic inungit,*)

ipſe te liniat ✠ Chriſmate ſalutis in eodem Chriſto Ieſu Domino noſtro, in vitam æternam. *Reſp.* Amen.

Tum iterum bombacio, aut re ſimili, abſtergit pollicem ſuum, & locum inunctum; & imponit capiti ejus linteolum candidum loco veſtis albæ, dicens:

Accipe veſtem candidam, quam immaculatam perferas ante tribunal Domini noſtri Ieſu Chriſti, ut habeas vitam æternam. *Reſp.* Amen.

Poſtea dat ei, vel Patrino, candelam accenſam, dicens:

Accipe lampadem ardentem, & irreprenſibilis cuſtodi Baptiſmum tuum: ſerva Dei mandata, ut, cum Dominus venerit ad nuptias, poſſis occurrere ei, una cum omnibus Sanctis, in aula cæleſti, habeasque vitam æternam, & vivas in ſæcula ſæculorum. *Reſp.* Amen.

Poſtremo dicit: N. Vade in pace, & Dominus ſit tecum. Reſp. Amen.

In Baptiſmo autem adultorum, præter illa quæ ſupra notata ſunt, quando ſupplentur omiſſa, hæc mutari debent. Primum, in Exorcismo, Audi maledicte Satana, ubi dicitur (habitaculum perficiat) dicatur, habitaculum perfecit. Deinde in Exorcismo, Nec te latet, ubi dicitur (ut fiat) dicatur, ut fieret.

Ritus,